

CERTIFICACIÓN

Rosa Ana Prada Queipo, secretaria do Concello de Ames (A Coruña)

CERTIFICO: Que a Xunta de Goberno Local, en sesión ordinaria celebrada o día 23 de xuño de 2022, adoptou, entre outros, o acordo que copiado é do teor literal seguinte:

PUNTO QUINTO. APROBACIÓN DAS BASES DA CONVOCATORIA DE AXUDAS A TRAVÉS DE INCENTIVOS Á CONTRATACIÓN POR CONTA ALLEA PARA A INSERCIÓN LABORAL PARA PERSOAS PARTICIPANTES NO OBRADOIRO DUAL DE EMPREGO “RENOVA IV”. EXPEDIENTE GD 6653/2022

A Consellería de Promoción do Emprego e Igualdade da Xunta de Galicia publicou a Orde do 31.12.2020, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2021 (DOG núm. 22, do 3 de febreiro de 2021).

Figura no expediente Resolución da Xefatura territorial da Coruña da Consellería de Promoción do Emprego e Igualdade (09.09.2021) mediante a cal concédese ao Concello de Ames xunto co Concello de Brión unha subvención (expediente 15/0034/2021), por importe de 346.946 euros, para financiar os gastos de formación e funcionamento, así como a subvención para os gastos salariais de 20 alumnos/as traballadores/as participantes para a especialidade de nivel 2 (ENAE0108) “Montaxe e Mantemento de Instalacións Solares Fotovoltaicas”.

Figura no expediente, providencia de inicio de Alcaldía para a elaboración e tramitación das bases e a convocatoria de axudas para a contratación por conta allea de persoas participantes no Obradoiro de Emprego “Renova IV” do 20.06.2022.

Figura no expediente Informe proposta do técnico de Desenvolvemento Local, coa conformidade da Concelleira delegada da Area de Economía, Emprego e Desenvolvemento económico de data 20.06.2022 de proposta de bases para a convocatoria de axudas a través de incentivos á contratación temporal por conta allea das persoas participantes no obradoiro dual de emprego “Renova Ames-Brión IV”.

Figura informe conxunto favorable da Secretaría Xeral e intervención municipal (informe 193/2022)

Por todo o exposto, a Xunta de Goberno local previa delegación da alcaldía (decreto 1376/2021) por unanimidade dos seus membros presentes, adopta os seguintes acordos:

Primeiro. Aprobar a convocatoria de axudas a través de incentivos á contratación por conta allea para a inserción laboral para persoas participantes no Obradoiro dual de emprego “RENOVA AMES- BRIÓN IV”.

Segundo. Aprobar o gasto por importe de 15.000,00 euros con cargo a aplicación orzamentaria 2411.47000 do orzamento municipal en vigor.

Terceiro. Aprobar as bases reguladoras da convocatoria, que figuran como Anexo I.

Cuarto. Publicar o presente acordo seguindo o procedemento establecido no artigo 20.8 da Lei 38/2003 do 17 de novembro, Xeral de Subvencións (LXS), a través do envío do estrato da

convocatoria á Base Nacional de Subvencións quen o remitirá ao BOP. As bases publicaranse integramente na páxina web do Concello de Ames. O prazo para presentar as solicitudes será de 20 días naturais a contar desde o día seguinte da publicación do estrato da convocatoria no BOP. En caso de rematar nun día inhábil, este prazo entenderase estendido ata o inmediato hábil seguinte.

Quinto. Dar traslado deste acordo aos departamentos municipais afectados aos efectos oportunos.

Sexto. Facultar ó alcalde do Concello de Ames, para cantas actuacións sexan necesarias para a mellor execución do acordado.

ANEXO I

BASES DA CONVOCATORIA DE AXUDAS A TRAVÉS DE INCENTIVOS Á CONTRATACIÓN POR CONTA ALLEA PARA A INSERCIÓN LABORAL PARA PERSOAS PARTICIPANTES NO OBRADOIRO DUAL DE EMPREGO “RENOVA IV”

Artigo 1.- Finalidade e duración dos incentivos á contratación por conta allea

1. Os incentivos á contratación temporal por conta allea teñen por finalidade facilitar a empregabilidade e ocupabilidade das persoas participantes no Obradoiro dual de emprego “Renova Ames-Brión IV”, financiado a través da convocatoria Orde do 31 de decembro de 2020, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2021 (DOG núm. 22, do 3 de febreiro de 2021), resolución do 9 de setembro de 2021, da Xefatura Territorial da Xunta de Galicia na Coruña.

No obradoiro de emprego dual “Renova Ames-Brión IV” impártese a seguinte formación:

Certificado de profesionalidade ENAE0108: Montaxe e mantemento de instalacións solares fotovoltaicas. Nivel 2.

2. A contratación temporal terá unha duración mínima de 3 meses.
3. A duración da xornada da contratación temporal será a tempo completo.
4. Ocupacións o postos de traballo relacionados:

- 7299.001.6 Montador de placas de enerxía solar.
- 7299.001.6 Montador de instalacións solares fotovoltaicas.
- 7621.023.5 Instalador de sistemas fotovoltaicos y eólicos.
- 8161.005.3 Operador en central solar fotovoltaica.
- 8161.005.3 Operador de instalacións solares fotovoltaicas

Artigo 2.- Entidades beneficiarias dos incentivos á contratación

1. Poderán ser entidades beneficiarias dos incentivos á contratación as persoas empregadoras e as empresas, calquera que sexa a forma xurídica que adopten, incluídas as persoas autónomas, sociedades civís e comunidades de bens, aínda que carezan de personalidade xurídica, cuxa actividade estea directamente relacionada coa formación impartida no obradoiro dual de emprego Renova Ames-Brión IV, e que contraten traballadores ou traballadoras por conta allea para prestar servizos en centros de traballo radicados no ámbito territorial dos talleres duais de emprego de Galicia. No caso de sociedades civís, comunidades de bens e unións temporais de empresas deberá facerse constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención que se vai aplicar para cada un deles, que terán igualmente a consideración de beneficiario. En calquera caso, deberán nomear unha persoa representante ou apoderado/a único da agrupación, con poder suficiente para cumprir as obrigas que, como beneficiaria, lle corresponda á agrupación. No suposto de unións temporais de empresas, cada empresa que forme parte desta unión deberá reunir os requisitos esixidos para acceder ás axudas.

2. Non poderán ser entidades beneficiarias destas axudas as administracións públicas, as sociedades públicas nin as entidades vinculadas ou dependentes de calquera delas.

3. Non poderán obter a condición de entidade beneficiaria das subvencións establecidas neste programa, as persoas ou entidades nas que concorran algunhas das circunstancias previstas no artigo 10 da Lei 9/2007, do 13 de xuño, de subvencións de Galicia:

- a) Ser condenadas mediante sentenza firme á pena de perda da posibilidade de obter subvencións ou axudas públicas.
 - b) Solicitar a declaración de concurso, ser declaradas insolventes en calquera procedemento, atoparse declaradas en concurso salvo que en este adquirise eficacia un convenio, estar suxeitas a intervención xudicial ou ser inhabilitadas conforme á Lei concursal sen que conclúa o período de inhabilitación fixado na sentenza de cualificación do concurso.
 - c) Dar lugar, por causa da que fosen declaradas culpables, á resolución firme de calquera contrato suscrito coa Administración.
 - d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.
 - e) Non estar ao corrente no cumprimento das obrigas tributarias ou fronte á Seguridade Social ou ter pendente de pago algunha outra débeda coa Administración pública da Comunidade Autónoma nos termos regulamentariamente establecidos.
 - f) Ter a residencia fiscal nun país ou territorio cualificado regulamentariamente como paraíso fiscal.
 - g) Non estar ao corrente de pago de obrigas por reintegro de subvencións nos termos regulamentariamente establecidos.
 - h) Ser sancionada, mediante resolución firme, coa perda da posibilidade de obter subvencións segundo a Lei 9/2007, do 13 de xuño, de subvencións de Galicia, ou a Lei xeral tributaria.
 - i) Non poderán acceder á condición de entidade beneficiaria as agrupacións de persoas físicas ou xurídicas, públicas ou privadas sen personalidade, cando concorran algunha das prohibicións anteriores en calquera dos seus membros.
 - j) En ningún caso poderán obter a condición de entidade beneficiaria as asociacións incursas nas causas de prohibición previstas nos apartados 5 e 6 do artigo 4 da Lei orgánica 1/2002, do 22 de marzo, reguladora do dereito de asociación, nin as asociacións respecto das que se suspendeu o procedemento administrativo de inscrición por atoparse indicios racionais de ilicitude penal, en aplicación do disposto no artigo 30.4 da Lei orgánica 1/2002, mentres non recaia resolución xudicial firme en cuxa virtude poida practicarse a inscrición no correspondente rexistro.
4. Non poderán obter a condición de entidade beneficiaria as entidades solicitantes que estean excluídas do acceso aos beneficios derivados da aplicación dos programas de emprego, conforme ao establecido no artigo 46 e 46 bis do texto refundido da Lei de infraccións e sancións na orde social, aprobado polo Real decreto lexislativo 5/2000, do 4 de agosto.
5. A xustificación por parte das persoas ou entidades solicitantes de non estar incursas nas prohibicións contidas nos números 3 e 4 anteriores para obter a condición de beneficiario realizarase mediante declaración responsable.

Artigo 3.- Contía dos incentivos

1. Os contratos incentivaranse cunha subvención fixa de 1.500,00 € por cada traballador/a, correspondente ao contrato mínimo de 3 meses a xornada completa. A contía total das subvencións a outorgar de acordo coas presentes bases non poderá superar os 15.000,00 euros para un total de dez contratos.
2. Os beneficios establecidos á contratación neste programa non poderán, en concorrencia con outras axudas públicas para a mesma finalidade, superar o 100% do custo salarial das mensualidades obxecto de subvención.

Artigo 4.- Exclusiones.

Exclúense dos beneficios regulados neste programa:

1. As relacións laborais de carácter especial previstas no artigo 2.1 do Real decreto lexislativo 2/2015, do 23 de outubro, polo que se aproba o texto refundido da Lei do Estatuto dos traballadores ou noutras disposicións legais, así como as contratacións de traballadores ou traballadoras para prestar servizos noutras empresas mediante contratos de posta a disposición.
2. Os contratos realizados co/a cónxuxe, as persoas ascendentes, as persoas descendentes e demais parentes, por consanguinidade ou afinidade, ata o segundo grao inclusive, da empresaria ou empresario ou das persoas que teñan cargo de dirección ou sexan membros dos órganos de administración das empresas que revistan a forma xurídica de sociedade, así como as que se produzan con estes últimos. Non será aplicable esta exclusión cando a persoa empregadora sexa unha persoa traballadora autónoma que contrate como persoa traballadora por conta allea aos fillos e fillas menores de 30 anos, tanto se conviven ou non con ela, ou cando se trate dunha persoa traballadora autónoma sen persoas asalariadas e contrate a un só familiar menor de 45 anos que non conviva no seu fogar nin estea ao seu cargo.
3. As contratacións realizadas con persoas traballadoras que nos 24 meses anteriores á data da contratación prestasen servizos na mesma empresa, segundo o establecido no artigo 2 do Regulamento (UE) 1407/2013 da Comisión, do 18 de decembro de 2013, mediante un contrato de carácter indefinido, ou nos últimos 3 meses mediante un contrato de carácter temporal ou mediante un contrato formativo, de substitución ou de substitución por

anticipación da idade de xubilación. O disposto neste parágrafo será tamén de aplicación no suposto de vinculación laboral anterior do traballador ou da traballadora con empresas ás cales a persoa solicitante dos beneficios sucedese en virtude do establecido no artigo 44 do Real decreto legislativo 2/2015, do 23 de outubro.

Artigo 5.- Prazos e solicitudes.

1. As solicitudes de axudas polas contratacións subvencionables deberán presentarse no prazo de vinte días naturais a contar dende o día seguinte á publicación do extracto da convocatoria no BOP da Coruña, en calquera dos rexistros indicados na Lei 39/2015 de procedemento administrativo común. Se o último día fose inhábil, o prazo terminará ao seguinte día hábil.

Sen prexuízo do anterior, esta convocatoria será publicada tamén na Sede Electrónica do Concello de Ames e na BNDS.

2. As solicitudes deberán presentarse no modelo normalizado que figura como anexo I, xunto coa seguinte documentación, orixinal ou copia compulsada ou cotexada:

- Copia do DNI, NIE ou NIF da empresa, e poder suficiente para actuar en nome da entidade.
- Declaración responsable de que posúe a capacidade administrativa, financeira e operativa para cumprir as condicións da axuda e autorizacións segundo o modelo do anexo II.
- Indicación do número de alumnos do obradoiro de emprego dual que desexa contratar (cun máximo de 10) indicando a ocupación.
- Certificación bancaria do número de conta.
- Certificado de situación no censo de actividades económicas da AEAT ou documentación que acredite que as actividades da entidade estean directamente relacionadas coa formación impartida no obradoiro dual de emprego "Renova IV".
- Declaración responsable comprensiva das axudas solicitadas, tanto as aprobadas ou concedidas como as pendentes de resolución segundo o anexo III.
- Declaración do persoal de todos os centros de traballo da empresa en Galicia no mes anterior ao mes de publicación da presente convocatoria, segundo Anexo IV.

Ocupacións o postos de traballo relacionados:

7299.001.6 Montador de placas de enerxía solar.

7299.001.6 Montador de instalacións solares fotovoltaicas.

7621.023.5 Instalador de sistemas fotovoltaicos y eólicos.

8161.005.3 Operador en central solar fotovoltaica.

8161.005.3 Operador de instalacións solares fotovoltaicas

Artigo 6.- Xustificación e pagamento.

A empresa ou empresas adxudicatarias da subvención deberán manter no cadro de persoal aos traballadores/as contratados/as ao abeiro destas bases durante un prazo mínimo de tres meses contado desde o inicio da contratación, sendo o prazo límite con carácter xeral para realizar a contratación os 15 días seguintes ao remate do Obradoiro e remitir os datos desta contratación ao Servizo de Promoción Económica e Emprego do Concello de Ames para a posterior remisión á Consellería de Promoción do Emprego e Igualdade, Xefatura Territorial da Coruña, Servizo de Formación e Colocación.

1. Xustificación inicial: deberán presentar a seguinte documentación nos quince días seguintes ao inicio da contratación

- Copia do contrato ou contratos realizados.
- Copia da alta na Seguridade Social.
- Número de conta bancaria (IBAN) onde se vai ingresar a subvención.
- Declaración complementaria da presentada coa solicitude, do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade das distintas administracións públicas competentes ou outros entes públicos ou, no seu caso, unha declaración de que non solicitou nin percibiu outras axudas ou subvencións.
- Non poderá realizarse o pagamento da subvención en tanto a entidade beneficiaria non estea ao corrente no cumprimento das súas obrigacións tributarias e fronte á Seguridade Social ou teña pendente de pago nalgunha outra débeda coa Administración pública da Comunidade Autónoma ou sexa debedora en virtude de resolución firme declarativa de orixe de reintegro.

2. Xustificación final: deberán presentar a seguinte documentación xunto co Anexo V e nos quince días da finalizar a

contratación:

- a) Nóminas aboadas aos traballadores.
- b) Documento bancario acreditativo do ingreso do salario a os traballadores.
- c) Unha foto do cartel informativo tamaño A4 no local onde se realicen os servizos subvencionados que deberá figurar de xeito visible, e onde constará o financiamento por parte da Consellería de Promoción do Emprego e Igualdade, Xefatura Territorial de Coruña.

No caso de extinción do contrato de traballo temporal polas causas previstas na normativa laboral con anterioridade á finalización do período esixible, a empresa deberá comunicar esta circunstancia á entidade local, Concello de Ames, no prazo de 10 días desde que se produza, para os efectos oportunos.

Presentada a documentación pola empresa, será o Concello de Ames, quen realice o pago da subvención á empresa ou empresas adxudicatarias, que devolverán o xustificante bancario acreditativo do ingreso da subvención.

Non poderá realizarse o pago da subvención en tanto a entidade beneficiaria non estea ao corrente no cumprimento das súas obrigas tributarias e fronte á Seguridade Social ou teña pendente de pago algunha outra débeda coa Administración pública da Comunidade Autónoma ou sexa debedora en virtude de resolución firme declarativa de orixe de reintegro.

Artigo 7.- Obrigas das entidades beneficiarias.

a) Incorporar á persoa nun posto de traballo directamente relacionado coa formación recibida no obradoiro dual de emprego. Ocupacións relacionadas:

7299.001.6 Montador de placas de enerxía solar.

7299.001.6 Montador de instalacións solares fotovoltaicas.

7621.023.5 Instalador de sistemas fotovoltaicos y eólicos.

8161.005.3 Operador en central solar fotovoltaica.

8161.005.3 Operador de instalacións solares fotovoltaicas

b) Manter no seu persoal á persoa contratada polo período establecido de acordo coa normativa laboral de aplicación e cando menos pola duración do tempo establecido nas condicións para ser beneficiario da axuda. No caso de extinción do contrato de traballo polas causas previstas na normativa laboral vixente con anterioridade á finalización do período esixible, a empresa deberá comunicar esta circunstancia á entidade promotora dos obradoiros duais de emprego no prazo de sete días desde que se produza, para promover a súa substitución nas mesmas condicións, ofertando a cobertura do posto de traballo vacante a outras persoas participantes no obradoiro, que non fosen contratadas previamente.

c) As contratacións polas que se solicita subvención deberán formalizarse e comunicarse á oficina pública de emprego na forma regulamentariamente establecida.

d) Unha vez finalizado o período de cumprimento desta obrigación, corresponderá ao Concello de Ames levar a cabo a función de control das subvencións concedidas, así como a avaliación e seguimento deste programa.

Artigo 8.- Competencia.

A competencia para resolver as solicitudes de axudas corresponderá á Xunta de Goberno Local do Concello de Ames.

Artigo 9.- Procedemento de concesión, instrución e tramitación.

O procedemento de concesión das solicitudes presentadas ao amparo desta convocatoria non ten a consideración de concorrencia competitiva dado que, de acordo coa finalidade e o obxecto do programa, non resulta necesario realizar a comparación e prelación das solicitudes presentadas nun único procedemento. Para determinar as entidades beneficiarias, atenderase á orde de presentación de solicitudes ata o esgotamento do crédito orzamentario.

A instrución do procedemento de concesión destas subvencións, corresponderalle ao departamento de emprego do concello de Ames, quen tras a presentación da documentación polas empresas solicitantes e tras os trámites necesarios realizará un informe proposta indicando os posibles beneficiarios para a súa elevación ao órgano competente.

Artigo 10.- Resolución e recursos.

1. As resolucións de concesión ou denegación serán sempre motivadas.
2. O prazo para resolver e notificar é dun mes, que se computará desde a data de entrada da solicitude no rexistro do órgano competente para a súa tramitación. Transcorrido o devandito prazo sen que se dite resolución expresa, entenderase desestimada a solicitude, de acordo co establecido no artigo 23.5 da Lei de subvencións de Galicia.
3. Notificada a resolución polo órgano competente, as entidades propostas como beneficiarias disporán dun prazo de

dez días para a súa aceptación; transcorrido este, sen que se produza manifestación expresa, entenderase tacitamente aceptada.

4. As resolucións que se diten neste procedemento esgotan a vía administrativa e contra elas cabe interpoñer recurso contencioso-administrativo, no prazo de dous meses, ante o órgano competente da xurisdición contencioso-administrativa, de acordo co disposto na Lei 29/1998, do 13 de xullo reguladora da xurisdición contencioso-administrativa.

Poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade coa Lei 39/2015, do 1 de outubro, do procedemento administrativo común das administracións públicas.

Artigo 11.- Incompatibilidades e concorrencia.

1. As axudas previstas neste programa para as contratacións por conta allea son incompatibles con outras que, polos mesmos conceptos, poidan outorgar as administracións públicas como medida de fomento do emprego. Con todo, serán compatibles, no seu caso, coas bonificacións ou reducións de cotizacións á Seguridade Social.

2. Os incentivos establecidos neste programa serán compatibles con calquera outra axuda para distinta finalidade da Unión Europea, doutras administracións públicas ou entes públicos ou privados pero, sen que en ningún caso, illadamente ou en concorrencia con outras poidan superar os límites establecidos pola Unión Europea e os que establece o artigo 17.3 da Lei 9/2007, do 13 de xuño, de subvencións de Galicia.

Artigo 12.- Perda do dereito ao cobro da subvención e reintegro.

1. Procederá a perda do dereito ao cobro da subvención, así como o reintegro total ou parcial das cantidades percibidas e a esixencia dos xuros de mora correspondentes desde o momento do pago da subvención ata a data en que se acorde a orixe do reintegro, nos casos previstos no artigo 33 da Lei 9/2007, do 13 de xuño, de subvencións de Galicia.

2. As obrigacións de reintegro establecidas nesta orde, entenderanse sen prexuízo do establecido no Real decreto legislativo 5/2000, do 4 de agosto, que aproba o texto refundido da Lei sobre infraccións e sancións na orde social.

3. Entenderase que se produce un incumprimento parcial e, por tanto, procederá o reintegro parcial dos incentivos cando a persoa traballadora subvencionada cese na súa relación laboral antes de que transcorra o período mínimo de subvención e a empresa non proceda a substituílo.

Artigo 13.- Devolución voluntaria da subvención.

1. De acordo co establecido no artigo 64 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, de 8 de xaneiro, as entidades beneficiarias poderán realizar, sen o requirimento previo da Administración, a devolución total ou parcial da subvención concedida, mediante o ingreso na conta da entidade promotora do obradoiro dual de emprego, en concepto de devolución voluntaria da subvención.

2. En todo caso, a entidade beneficiaria deberá presentar ante o órgano concedente copia xustificativa da devolución voluntaria realizada, na que conste a data do ingreso, o seu importe, o número do expediente e denominación da subvención concedida.

DISPOSICIÓNS ADICIONAIS.

Disposición adicional primeira

A falta de xustificación na forma e nos prazos sinalados poderá ocasionar as responsabilidades que correspondan.

As entidades beneficiarias de subvencións concedidas polo Concello quedarán obrigadas a someterse aos procedementos de control ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo.

Disposición adicional segunda

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello de Ames do exercicio da convocatoria, na Lei 38/2003, xeral de subvencións e no seu Regulamento e na Lei 9/2007 de subvencións de Galicia.

Disposición adicional terceira

O responsable do tratamento dos datos que consten no expediente de convocatoria destas axudas é o Concello de Ames. Os datos serán tratados coa finalidade específica, da convocatoria de axudas para incentivos á contratación temporal en empresas das persoas participantes no obradoiro de emprego Renova IV, de conformidade coa regulación establecida na Lei Orgánica 3/2018, de 5 de decembro, de Protección de Datos Personais e garantía dos dereitos dixitais.

A lexitimación do tratamento está baseada no consentimento manifestado coa solicitude de participación nesta convocatoria de axudas.

O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.

Os datos solicitados unicamente serán obxecto de cesión, no seu caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante o Delegado de Protección de Datos do Concello no enderezo electrónico dpd@concellodeames.gal.

ANEXO I SOLICITUDE DE AXUDAS A TRAVÉS DE INCENTIVOS Á CONTRATACIÓN POR CONTA ALLEA PARA A INSERCIÓN LABORAL PARA PERSOAS PARTICIPANTES NO OBRADOIRO DUAL “RENOVA IV”

DATOS DA ENTIDADE SOLICITANTE:

Nome e apelidos e/ou razón social. Persoa física/Persoa xurídica:					
NIF/CIF		Enderezo			
Cód. Postal		Concello		Provincia	
Teléfono			Fax		
Correo electrónico					

Se é persoa xurídica e na súa representación (deberá acreditarse a representación fidedigna por calquera medio válido en dereito)

Representado por (se é o caso):

NIF		Nome	
Primeiro apelido		Segundo apelido	

Datos para efectos de notificación:

Método de notificación preferente		Electrónica <input type="checkbox"/>		Postal <input type="checkbox"/>	
Correo electrónico					
Dirección postal					
Cód. Postal		Concello		Provincia	

Datos bancarios:

Titular da conta:	
Nº conta bancaria co IBAN (24 díxitos)	

SUBVENCIÓN SOLICITADA: axuda para a contratación de persoa/s alumna/s do obradoiro de emprego

Nº de alumnos que desexa contratar	
------------------------------------	--

DATA DE SINATURA: HASH DO CERTIFICADO:
23/06/2022 DCAFA08587B6280B37A145073275F726E60DDB4CA
23/06/2022 0FD2C3776C7B204298B5CEEED09905C386F2BBDE1

POSTO DE TRABAJO:
Secretaría
Alcalde

NOME:
PRADA QUEIPO, ROSA ANA
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC2BED2F7C93197B0479E

(Nota: o número total de contratos para os que se solicita a subvención non será superior a 10)

A persoa ou entidade solicitante DECLARA:

1. Que en relación con outras axudas solicitadas e/ou concedidas:

Non solicitou nin se lle concedeu ningunha outra axuda para a mesma finalidade para a que solicita esta subvención.		<input type="checkbox"/> SI	<input type="checkbox"/> NON
Sí solicitou e/ou se lle concederon outras axudas para a mesma finalidade para a que solicita esta subvención que se relacionan de seguido		<input type="checkbox"/> SI	<input type="checkbox"/> NON
Axuda solicitada e/ou concedida			
Entidade		Disposición reguladora	
Ano		Importe	

2. Que en relación coas axudas de mínimos:

Non	•Si	Solicitou e/ou se lle concederon outras axudas de mínimos: Solicitou nin se lle concedeu ningunha outra axuda de mínimos.	
Axuda solicitada e/ou concedida:			
Entidade		Disposición Reguladora	
Ano		Importe	

3. Que posúe a capacidade administrativa, financeira e operativa para cumprir as condicións da axuda.

4. Que o persoal de todos os centros de traballo da empresa en Galicia no mes anterior ao mes da publicación desta convocatoria é de _____

5. Que son certos cantos datos figuran nesta solicitude, que coñece as estipulacións desta convocatoria e que cumpre os requisitos nela sinalados.

6. Non estar incluída en ningunha das circunstancias previstas no artigo 10 da Lei 9/2007, do 13 de xuño, de subvencións de Galicia.

7. Non estar excluídos do acceso aos beneficios derivados da aplicación dos programas de emprego, conforme ao establecido no artigo 46 e 46 bis do Texto refundido da Lei de infracción se sancións na orde social, aprobado polo Real decreto lexislativo 5/2000, do 4 de agosto.

8. Que a entidade solicitante cumpre os requisitos para obter a condición de beneficiaria segundo o artigo 10 da Lei 9/2007, do 13 de xuño, de subvencións de Galicia; especificamente estar ao día no cumprimento das obrigas tributarias ou fronte á Seguridade Social e non ter pendente de pagamento ningunha outra débeda coa Administración pública da comunidade autónoma.

DOCUMENTACIÓN QUE SE ACHEGA COA SOLICITUDE:

DNI/NIE da persoa representante.	SI	NON
NIF da entidade solicitante.	SI	NON
Poder para actuar en nome da entidade.	SI	NON
Certificación bancaria do número de conta.	SI	NON

Protección de datos: De acordo co establecido pola normativa vixente en materia de protección de datos, informámoslle que o responsable do tratamento dos seus datos persoais é o Concello de Ames.

1.- Finalidade do tratamento: os datos serán utilizados para a finalidade descrita nas bases de convocatoria desta subvención.

2.- O Concello de Ames non cederá os seus datos de carácter persoal.

3.- Dereitos: ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos, así como opoñerse ou retirar o consentimento en calquera momento e solicitar a súa portabilidade.

Sinatura da persoa solicitante ou representante

DECLARACIÓN RESPONSABLE ANEXO (II)

ENTIDADE SOLICITANTE

Don/dona :	con DNI/NIE:
En nome o representación de :	con CIF:
Razón social:	

DECLARA RESPONSABLEMENTE

- Que non está incurso en ningunha das incompatibilidades sinaladas na base terceira desta convocatoria.
- Que non está incurso en ningunha das circunstancias previstas no punto 2 do artigo 13 da Lei 38/2003, do 17 de novembro, xeral de subvencións.
- Que non está incurso en ningunha das circunstancias previstas no punto 2 do artigo 10 da Lei 9/2007, do 13 de xuño, de subvencións de Galicia.
- Que non foi excluída do acceso aos beneficios derivados da aplicación dos programas de emprego, conforme ao establecido no artigo 46 e 46 bis do texto refundido da Lei sobre infraccións e sancións na orde social, aprobado polo Real decreto legislativo 5/2000, do 4 de agosto, sobre infraccións e sancións na orde social.
- Que posúe a capacidade administrativa, financeira e operativa necesarias para cumprir as condicións da axuda.
- Que reúne as condicións para ser beneficiaria de acordo co establecido na base terceira da convocatoria.
- Que todos os datos que constan na solicitude e nos documentos que se achegan son certos.
- A presentación da presente solicitude comporta a autorización ao Concello de Ames para a obtención das certificacións de estar ao corrente nas obrigas establecidas nas bases sexta e décimo segunda do programa, que deben emitir a Axencia Estatal da Administración Tributaria, á Tesourería Xeral da Seguridade social, á Consellería de Facenda da Xunta de Galicia e para comprobar de oficio que estean ao corrente do cumprimento das súas obrigas fiscais co Concello de Ames.
- A presentación da presente solicitude comporta a autorización ao Concello de Ames, no suposto de ter a condición de beneficiario/a da subvención para realizar as actuacións de comprobación e seguimento necesarias para comprobar o cumprimento da finalidade dos incentivos á contratación do alumnado traballador do obradoiro dual de emprego "Renova IV".

Ames, de de 2022.

Asdo.:

De acordo co disposto na Lei orgánica 3/2018 de 5 de decembro de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender á súa solicitude. Os devanditos datos serán tratados, de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ao tratamento e portabilidade dos seus datos, usando o formulario de contacto da Sede Electrónica do concello de Ames..

**DECLARACIÓN RESPONSABLE COMPRENSIVA DOUTRAS AXUDAS (ANEXO III).
INCENTIVOS Á CONTRATACIÓN/OBRADOIRO DUAL DE EMPREGO RENOVA IV**

ENTIDADE SOLICITANTE

Don/dona	con DNI/NIE:
En nome e representación de:	con CIF:
Razón social:	

DECLARA RESPONSABLEMENTE

Que para a mesma actividade ou proxecto, esta entidade solicitou e/ou obtivo as axudas que se relacionan a continuación:

Axuda		Ano	Organismo	Importe(€)	Tipo de Axuda	Disposición reguladora
Solicitada	Concedida					
<input type="checkbox"/>	<input type="checkbox"/>					
<input type="checkbox"/>	<input type="checkbox"/>					
<input type="checkbox"/>	<input type="checkbox"/>					
<input type="checkbox"/>	<input type="checkbox"/>					

Ou, alternativamente

- Que non ten concedidas en réxime de mínimos axudas neste ano nin nos dous anteriores para o mesmo fin.

Así mesmo, a persoa solicitante comprométese a comunicar inmediatamente cantas axudas solicite e/ou obteña para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

Ames, de de 2022.

Asdo.:

De acordo co disposto na Lei orgánica 3/2018 de 5 de decembro de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender á súa solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ao tratamento e portabilidade dos seus datos, usando o formulario de contacto da Sede Electrónica do Concello de Ames.

DECLARACIÓN RESPONSABLE DO PERSOAL DA EMPRESA OU ENTIDADE (ANEXO IV)

ENTIDADE SOLICITANTE

Don/dona:	con DNI/NIE:
En nome e representación de:	con CIF:
Razón social:	Con CIF:

DECLARA RESPONSABLE

Declaro que o persoal da empresa/ entidade de todos os centro de traballo de Galicia no mes _____ de foi o seguinte:

CENTRO DE TRABALLO 1- NÚMERO DE TRABALLADORES/AS:

Enderezo:
Tfno.:

CENTRO DE TRABALLO 2- NÚMERO DE TRABALLADORES/AS:

Enderezo:
Tfno.:

CENTRO DE TRABALLO 3- NÚMERO DE TRABALLADORES/AS:

Enderezo:
Tfno.:

OUTROS CENTROS DE TRABALLO- NÚMERO DE TRABALLADORES/AS:

TOTAL DE TRABALLADORES/AS:

Ames, de de 2022.

Asdo.:

De acordo co disposto na Lei orgánica 3/2018 de 5 de decembro de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender a súa solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ao tratamento e portabilidade dos seus datos, usando o formulario de contacto da Sede Electrónica do Concello de Ames.

XUSTIFICACIÓN E SOLICITUDE DE PAGAMENTO (ANEXO V). INCENTIVOS A CONTRATACIÓN/OBRADOIRO DUAL DE EMPREGO "RENOVA IV"

ENTIDADE SOLICITANTE

Razón social:	CIF:	
Apelidos e nome:	DNI/NIE:	
Enderezo:		
CP:	Localidade:	Provincia:
Teléfono:	Correo electrónico:	

DATOS DO/A REPRESENTANTE LEGAL

Apelidos e nome:	DNI/NIE:
Teléfono:	Correo electrónico:

DECLARA

Que para a súa xustificación e previo ao pagamento da subvención acredita o cumprimento da finalidade que determinou a concesión da subvención coa presentación dos seguintes documentos:

DOCUMENTACIÓN QUE SE ACHEGA

- Declaración complementaria da presentada coa solicitude, do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade das distintas administracións públicas competentes ou outros entes públicos ou, no su caso, unha declaración de que non solicitou nin percibiu outras axudas ou subvencións, segundo o modelo do anexo III.
- Copia dos contratos de traballo obxecto da subvención, que acrediten a contratación no período establecido na notificación de concesión de subvención.
- Documentación acreditativa da alta da/as nova/as persoa/as traballadora/as no réxime xeral da Seguridade Social

e das cotizacións realizadas por parte da empresa ou entidade na que se fixo a contratación, comprensiva do período de duración da contratación. (Boletíns de cotización á Seguridade Social ou Informe de Vida Laboral do código da conta de cotización específica da empresa ou entidade)

- A presentación da presente solicitude comporta a autorización ao Concello de Ames para a obtención das certificacións de estar ao corrente nas obrigas establecidas nas bases sexta e décimo segunda do programa, que deben emitir a Axencia Estatal da Administración Tributaria, á Tesourería Xeral da Seguridade Social, á Consellería de Facenda da Xunta de Galicia e para comprobar de oficio que estean ao corrente do cumprimento das súas obrigas fiscais co Concello de Ames.
- A presentación da presente solicitude, comporta a autorización ao Concello de Ames, no suposto de ter a condición de beneficiario/a da subvención, para realizar as actuacións de comprobación e seguimento necesarias para comprobar o cumprimento da finalidade dos incentivos á contratación do alumnado traballador do Obradoiro dual de Emprego "Renova IV"

Ames, de de 2022

Asdo:

De acordo co disposto na Lei Orgánica 3/2018 de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender á súa solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, limitación ao tratamento e portabilidade dos seus datos, usando o formulario de contacto da Sede Electrónica do Concello de Ames.

E para que conste, para os efectos oportunos, expido a presente co visto e praxe do alcalde, en Ames, a 23.06.2022, e coa advertencia de que non foi aprobada aínda a acta da sesión correspondente.

Vº e praxe

O alcalde

José Blas García Piñeiro

A secretaria

Rosa Ana Prada Queipo

DATA DE SINATURA: HASH DO CERTIFICADO:
23/06/2022 DCAFA08587B6280B37A145073275F726E60DDDB4CA
23/06/2022 0FD2C3776C7B204298B5CEE009905C386F2BBDE1

POSTO DE TRABAJO:
Secretaría
Alcalde

NOME:
PRADA QUEIPO, ROSA ANA
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 152220IDOC2BED2F7C93197B0479E